

# КАНОНЫ БОЖИЕЙ МАТЕРИ НА КАЖДЫЙ ДЕНЬ

Расположенные по гласам и дням седмицы

## ГЛАС ВОСЬМЫЙ

В СУББОТУ .....	1
В НЕДЕЛЮ .....	3
В ПОНЕДЕЛЬНИК .....	6
ВО ВТОРНИК .....	9
В СРЕДУ .....	11
В ЧЕТВЕРТОК .....	14
В ПЯТОК .....	16

### В СУББОТУ<sup>1</sup>

Канон Пресвятей Богородице

#### Песнь 1

*Ирмос:* Поим Господеви, проведшему люди Своя сквозе Чермное море, яко Един славно прославися.

*Припев:* Пресвятая Богородице, спаси нас.

Приидите тайно, братие, яко от начала Святей Богородице внесем, вернии, песнь нову, днесь похваляюще величия Ея.

Древле Боговидением Моисей озарився умом, Твоему ясно научашеся, Чистая, Боголепному зачатию, паче естества, Дево, явльшуся ему в купине саду.

Слава: Тебе предлагаю сердечная деяния и приятно подаю писание, близ сущий Божественный заступления кров, ко Владыце Христу Тебе предложив.

И ныне: Приклони ми ухо Твое, Чистая, православною верою, в сени лица Твоего, честно любовью Ти притекающему и страхом поклоняющемуся, молебный мой глас услыши.

#### Песнь 3

*Ирмос:* Ты еси утверждение притекающих к Тебе, Господи, Ты еси свет омраченных, и поет Тя дух мой.

Лествица древле патриархова Тя проображаше, Пренепорочная: ангельско бо являше снिति Божие к нам, Божественное сошествие во утробе Твоей.

Иудово колено вселися, еже Иаков прорече, от колена Его прорасти избавление, Иисуса Христа: Егоже Ты рождши, Пречистая, прославилася еси.

Слава: Грехми отчаян, обретох Тя пристанище спасения, Пречистая Богородице, упование наше и помощи: темже мя к покаянию настави.

И ныне: Близ Тя сущу Владыки имам, Преславная Владычице, деяний моих книгу возложих на Тя верою: не премолчи ущедрити мя.

<sup>1</sup> Т. е. канон следует читать в субботу вечером, под воскресенье. Все каноны читаются вечером указанного дня. Слово «молебный» в названии канона означает, что Устав предполагает его исполнение на молебне.

## Песнь 4

*Ирмос:* Из горы приосененныя, Слове, пророк, Единыя Богородицы, хотяща воплотитися, боговидно усмотри и со страхом славословяше силу Твою.

Ты яко мнисты златыми одеяна Невеста Отча, благодать приемши, украсишия доброту девства, Мати явилася еси Сына Божия.

Тя, истинный Сион, Христос Слово изволи Себе в Божественное селение, яко избранну избрав, Богородице, на обновление всего мира.

Слава: Радуйся, красная палата Слова, девственный чертоже Царя: радуйся, похвало всех безплотных: радуйся, человеков помощи.

И ныне: Удаляются от Бога, темже и погибают, отметающие образы Сына Твоего, Мати Божия Дево Богородице: имиже спасаются чтущии Тя.

## Песнь 5

*Ирмос:* Мрак души моея разжени, Светодавче Христэ Бже, началородную тьму изгнав бездны: и даруй ми свет повелений Твоих, Слове, да утренюя славлю Тя.

С Божественным сошедшеся Гавриилом, возопиим Богородице верно: радуйся, Дево Святая, Благодатная, Господь с Тобою, Иже Тебе ради, потребив печаль, подаде радование.

Пречистое Твое чрево Гедеон виде, Дево Чистая, в неже, яко дождь, Слово сошед, воплотися Божественным Духом, Отча неразлучен сый Божества.

Слава: Помощница мира и заступница еси человеков грешных, Богородительнице Дево: и верою и любовью прибегающим к Тебе пременение спасительное и решило прегрешений многих.

И ныне: Прорастила еси без семени, Иже прежде всякия твари, прозябение Сына Отча, безлетно же и безначально, Духом Божественным, Богородительнице Чистая: Егоже подобие вида вси почитаем.

## Песнь 6

*Ирмос:* Содержима мя приими, Человеколюбче, грехи многими и припадающа щедротам Твоим, яко пророка, Господи, и спаси мя.

Девства Тя зеркало сущо, и приятелище чисто Божества восхваляем, Дево неискусобрачная, песньми.

Бог во утробе Твоей воплотися, безстрастно и ужасно, Богоневесто, якоже в свитце нове писан перстом Отчим.

Слава: Очищение имамы покров Твой, и известную надежду и заступление, Дево Чистая: не посрами, Владычице, рабы Твоя.

И ныне: Страстей неуставное бешение, предстанием Твоим, Богоневесто, устави в тишину: и ко пристанищу настави нас тишины.

*Таже:* Господи помилуй, *трижды.* Слава, и ныне

## Седален, глас 8:

Избранной Воеводе победительная, яко избавльшися от злых, благодарственная восписуем Ти рабы Твой, Богородице: но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

## Песнь 7

*Ирмос:* Божия снизхождения огонь устыдеса в Вавилоне иногда, сего ради отроцы в пещи радованною ногою, яко во цветнице ликующе, пояху: благословен еси, Бже отец наших.

Радости наша ходатаица явилася еси, Дево, и благодати: приносяще венец любви, радуйся, вопиём Ти, благословенная Чистая, похваляюще.

Гора Святая еси Божия приосененная, гора гучна, Пренепорочная: гора усуренна Божественными сиянии: гора, в нейже Бог благоволи жити.

Слава: Побеждаяй благодать Твою несть грех, Матерне бо дерзновение и волю имаше, и решиши прегрешения молитвами Твоими, и преводиши вся стремления.

И ныне: От Троицы родила еси Единого, Богородице, бывша непреложна плотским соединением, сугуба суща Естеством: Егоже вида образ почитаем.

## Песнь 8

*Ирмос:* На горе святей прославльшася и в купине огнем Приснодевы Моисеови тайну явльшаго, Господа пойте и превозносите во вся веки.

Кадильница явилася еси пророку, Божественного Угля сущи, грехи отъемлющаго, Богородице Дево Мати Бога нашего.

Даниил провиде Тя гору велию, Богородице Дево: из нейже честный камень Христос плотию облечеса и лести низложит идольския храмы.

Слава: Великий кит ищет пожрети мя, лютаго греха и страстей моих отчаяния: но предвари и спаси раба Твоего, Владычице.

И ныне: Иже Тобою беседовавый к человеку, Бог сый всяческих, зрак человека восприят: Егоже взор почитаем, Дево, в писаниих.

## Песнь 9

*Ирмос:* Воистинну Богородицу Тя исповедуем, спасеннии Тобою, Дево Чистая, с безплотными лики Тя величающе.

Вертоград затворен Тя, Дево Богородице, и запечатан источник Духом Божественным премудрый в песнях поет: темже, яко Сад жизни, воплощается Христос.

Твоего несказаннаго Рождества прописуя пророк, книгу запечатану провиде, еяже никтоже тайнство разумет, вочеловечения Рождества Твоего.

Слава: Тебе во умилении души молимся вси: не презри, Владычице, наша мольбы, но буди благоуветлив нам покров, и молитву нашу услыши.

И ныне: Твоему и Сына Твоего припадаю образом: и сомнящихся почитати, яко манентовы лжи<sup>1</sup>, отмечаю, Богородице Дево: темже православно песнь скончаваю.

## В НЕДЕЛЮ Канон Пресвятей Богородице<sup>2</sup>

### Песнь 1

*Ирмос:* Колесницегонителя фараона погрузи, чудотворяй иногда моисейский жезл, крестообразно поразив и разделив море: Израиля же беглеца, пешеходца спасе, песнь Богу воспевающа.

*Припев:* Пресвятая Богородице, спаси нас.

Преславная о Тебе возглаблшася, Пречистая, верных Слава Единая бывша. Темже будущия славы причастника мя покажи Твоими молитвами, славящаго Тя, Пресвятая Дево Всепетая.

Благословен Плод, Пречистая, чрева Твоего, Имже земнии вси клятвы избавихомся, Благословенная Всечистая. О, несказаннаго чудесе, недоуменнаго

<sup>1</sup> Ересь манихейства, с которой здесь сравнивается ересь иконоборчества.

<sup>2</sup> Творение Иосифа, краегранесие: *Моление есть восьмое Деве. Иосиф.*

слышания, всех же вѣрных спасенія!

**Слава:** Ангел мо́лит Тя, Го́споди, мно́жество всегда́, учени́к собо́р, и проро́к, сослѡвѣя мученик, и преподо́бных Твои́х: Богороди́цы ра́ди грехо́в прощѣние да́руй нам, яко́ Человеколю́бец.

**И ныне:** Тебе́, Пречи́стую, в ложе́снах приѣмшую Огнь нестерпи́мый, молю́ ве́рою: геѣнны огня́ изба́вите мя и исхити́ти, и вѣчнующаго мучѣнѣя свободи́ти Твои́ми благоприя́тными моли́твами.

### Песнь 3

*Ирмос:* Небѣснаго кру́га Верхотворче, Го́споди, и Це́ркве Зиждителю, Ты мене́ утверди́ в ло́бви Твое́й, желаний кра́ю, вѣрных утвержде́ние, Еди́не Человеколю́бче.

Чи́стаго жити́я отпа́д, Пречи́стая, приложи́хся ското́м и осужде́н весь бых: Яже Судию́ ро́ждшая, всякаго осужде́нѣя изба́ви и спаси́ мя.

Стенанѣя, Чи́стая, и душе́вную слѣзу, и присное ми умили́ение пода́ждь, Отрокови́це: яко́ да пла́чу одержа́ция мя стра́сти от невня́тѣя, Богоблагодатная.

**Слава:** Небѣснии чи́нове, служе́бнии ду́си, собо́р проро́к и апо́стол и мученик Твои́х мо́лят Тя непреста́нно, Ще́дре: лю́дем Твои́м да́руй прегрешѣний оставле́ние.

**И ныне:** Милосѣрдѣя мя Божѣственнаго, яко́ ми́лостива, Пречи́стая, ны́не сподо́бити умоли́ Милосѣрдаго: нра́вы бо немилостивы немилосѣрдно стяжа́в, вѣчному́ огню́ досто́ин бых.

### Песнь 4

*Ирмос:* Ты моя́ крѣпость, Го́споди, Ты моя́ и си́ла, Ты мой Бог, Ты моѣ ра́дование, не оста́вь недра Отча и на́шу нищету́ посетив. Тем с проро́ком Авваку́мом зову́ Ти: си́ле Твое́й сла́ва, Человеколю́бче.

Лука́вое грехо́в мои́х рукописа́ние раздери́, Пречи́стая, Божѣственным копи́ем, прободши́м Божѣственна́я ре́бра вочеловѣчитися из Тебе́ Восхотѣвшаго: и моли́ сего́ в кни́зе мя спасѣнных написа́ти, безу́мно от Него́ удали́вшагося.

Да гла́сы благодарственными сла́влю Тя, да любо́вию Божѣственною велича́ю Тя, Пренепоро́чная: е́же вели́ким Твои́м Рождество́м вся удали́вшияся возвели́чивши, вельми́ удали́вшагося и лю́те па́дшаго мя прощѣнѣя Божѣственнаго сподо́би.

**Слава:** Зако́ны в Тебе́ испраздни́шася естества́, па́че бо естества́ Бо́га Сло́ва родила́ еси́. Те́мже Тя ве́рою молю́, Пренепоро́чная: па́че естества́ челове́ческаго мно́го согре́шша и Бо́га уда́льшася, обра́щшагося спаси́ моли́твами Твои́ми.

**И ныне:** Враг у́бо грехо́вными стрела́ми ду́шу мою́ всю уязви́ и оскверни́ сла́стми моѣ се́рдце, и от пу́ти отведе́ пра́ваго. Сего́ ра́ди, Де́во, вопию́ Ти: обрати́вши исцели́ и спаси́ мя.

### Песнь 5

*Ирмос:* Вскю́ю мя отрину́л еси́ от лица́ Твоего́, Све́те Незаходѣмый, и покрѣла мя е́сть чу́ждая тьма, ока́яннаго? Но обрати́ мя и к све́ту за́поведей Твои́х пу́ти моя́ напра́ви, молю́ся.

Родо́ве родо́в Тя, Де́во, присноблаже́нную ны́не блажа́т: Небѣсныя Си́лы, яко́ до́льняя с вы́шними совоку́пльшую, восхваля́ют Еди́ну в жена́х Благосло́венную, па́дшаго Ада́ма исправле́ние.

Пребы́ти ми це́лу и непрело́жна стоя́нѣя улúчу, но благоше́ствующу же и Бо́гу уго́дная де́лающу, Благо́я, моли́, Благо́го ро́ждши Сло́ва, нас безсло́вѣсія изба́вльшаго.

**Слава:** Иже Кро́вь Свою́, Сло́ве, на Крестѣ проли́явѣй, за премно́гую ми́лости бе́здну, страсте́й мои́х бе́здну изсуши́: и во умили́нии Тебе́ Бо́гу уго́дѣти Богороди́цы ра́ди сподо́би.

И ныне: Мати Дѣво Отроковице, Яже Необымѣннаго плѣтию рѣдшая, ѱнгелов славу и бесѡв ѳзвѹ, Богоневѣсто, мое сѣрдце уязвѣвшееся грехѡм, цельбы Божѣственныя сподѡби.

## Песнь 6

*Ирмос:* Очисти мя, Спасе, многа бо беззаконія моя, и из глубины зол возведи, молюся: к Тебѣ бо возопих, и услыши мя, Бѡже спасѣния моего.

Помилуеся Тобою естество человѣческое, милостивая Владычице: Милостиваго бо родила еси, Пречистая. Тѣмже молю Тя, мою дѹшу помилуй.

Безплѡтных чинове молят Тя, Христѣ, мученик, пророк и апѡстол Твоих: рѣдшия Тя ради, люди Твоя спаси от всякаго обстоянїя.

Слава: Яже недѣланная Земля, Дѣлателя рѣдши и всех Зиждителя, оляденѣвшую дѹшу мою страстьми, плодонѡсну покажи Божѣственным разумѣнием.

И ныне: Преступих заповѣди, яже к Бѡгу ведущія мя, и не хотѣя поработихся лукавымъ страстѣм: тѣмже молю Тя, Приснодѣво, исхити мя от техъ владычества.

*Таже:* Господи помилуй, *трижды.* Слава, и ныне

## Седален, глас 8:

Небѣсное благочѣстїе силам, и похвальную высѡту душамъ нашим, Матередѣву-Отроковицу восхвалим, вѣрнии: радуйся, Яже ѱнгеломъ Творца во утробѣ зачѣнши, радуйся, падающихъ очищѣние, Бѡга Слова воплощши. Радуйся, Невѣсто неневѣстная.

## Песнь 7

*Ирмос:* Бѡжїя снизхождѣнїя огонь устыдѣся в Вавилѡне иногда, сего ради ѡтроцы в пещи радованною ногою, яко ко цвѣтнице ликующе, пояху: благословѣн еси, Бѡже отецъ нашихъ.

Неизречѣннымъ Рождествомъ Твоимъ страшныхъ и неизглаголаныхъ вещей нас сподѡбила еси, Богородице: тѣмже мя страшныя мѹки избави и неизречѣнныя мя радости испѡлни, Да пою Тя присно, Многопѣтую.

В лѣности житїе мое иждив, быхъ бесплоден, и ужасаюся прѣнїя, и геѣнны огня негасимаго: Яже Огонь рѣдшая, Богородице, нестерпимый, приложи избавити мя молитвами Твоими.

Слава: Чудесъ превѣше великое чудо Твоего Рождества, Чистая Дѣво, сего ради вопию Ти, Богородительнице: Твоя милости на мене удивїи и бѹдущаго гнѣва избави, и спаси мя.

И ныне: Менѣ жившаго в лѣности, и презрѣвшаго святыя закѡны Твоя, и честная Твоя, Христѣ, повелѣнїя, ущѣдри, Спасе, рѣдшия Тя ради, яко Благодатель Бог, и Многомилостив.

## Песнь 8

*Ирмос:* Седмерицею пещь халдѣйский мучитель Богочестивымъ неистовно разжжѣ, силою же лучшѣю спасѣны сїя вїдев, Творцѹ и Избавителю вопїяше: ѡтроцы, благословите, священницы, воспойте, людїе, превозносите во вся вѣки.

Умерщвлѣнную оживи, падшую возстави, уязвленную дѹшу мою исцели, ум мой умири, искушѣний волны укроти, Дѣво, и вопїюща мя спаси: ѡтроцы, благословите, священницы воспойте, людїе, превозносите Его во вѣки.

Яко разбойникъ, взываю Ти, помяни мя, Человеколюбче: плачу, яко блудница, и вопию: согрѣшихъ, якоже дрѣвле блѹдный, кающася прими мя отчаяннаго, Богородицы ради, да усѣрдно вопию Ти: священницы, воспойте, людїе

превозносите Его во веки.

**Слава:** Раболéпно вопиём Ти Богородице Всепéтая: со безчísленными умными сiлами, пророки и преподóбными, и апóстолы же и мученики, сотвори мольбу́ за вся человеки, Божéственне пою́щая: священницы воспóйте, лю́дие превозносите Его во веки.

**И ныне:** Честнéйши еси́, Богородице Всенепорóчная, премíрных а́нгельских чино́в: сих бо родила́ еси́ Создáтеля и Гóспода, от девiческа́я неискусобра́чная утробы́, во двух Существа́х, несмéсно и непрелóжно, Еди́ну Ипостáсь, Богородице, воплоща́ему.

## Песнь 9

*Ирмос:* Устраши́ся всяк слух неизречéнна Бóжия снизхождéния, я́ко Вы́шний волею снiде да́же и до плóти, от девiческа́го чрéва быв Человек: тэмже Тя, Пречiстую Богородицу, вёрнии, велича́ем.

О Божéственный óдре Соломо́нов, егóже окружа́ют ны́не сiльные шестьдесят<sup>1</sup>, [по] глаго́лу Божéственного Писáния, на нёмже Бог почи́, тьма́ми мя при́сно дéмоны окружа́ена, неврédна сохрани́ сiлою Твоею́, Чiстая Приснодéво.

Иска́пающая Божéственную сла́дость, всех Сла́дость рóждшая, ду́шу мою́ услади́, я́дом зми́ным огорчéнную, отчужда́ющи мя горька́го вре́да всегда́ хода́тайством Твои́м, Предста́тельница вёрных Непосты́дная.

**Слава:** Со́лнце сла́вы, Иису́се, окая́нную мою́ ду́шу просвети́, мольба́ми Тебе́ рóждшия Чiстыя Богоотрокови́цы: и безплóтных слуг, честных апóстол Твои́х, и святiтелей, и проро́к, и мученик избра́нных, и преподóбных Твои́х.

**И ныне:** Страшу́ся, Еди́не Царю́, Твоего́ Вторáго и стра́шнаго пришéствия, весь осуждён и недоумéнен сый, Гóсподи. Тэмже прэ́жде конца́ вопию́ Ти: рóждшия Тя ра́ди пощади́ мя и спаси́, Мiлостиве, Благо́й Человеколю́бче.

## В ПОНЕДЕЛЬНИК Канон молебный Пресвятей Богородице

## Песнь 1

*Ирмос:* Во́ду прошéд Человеколю́бче я́ко су́шу, и егiпетска́го зла избежа́в, Израiльтянин вопия́ше: Изба́вителю и Бо́гу на́шему поiм.

*Припев:* Пресвята́я Богородице, спаси́ нас.

Вод исто́чник моли́твенный Тя, Богороди́тельницу, ве́дуще вси, источа́ющ вёрным стру́й душáм и телом: тэмже Тя непрестáнно сла́вим.

Пáче естества́ Богоначáльное Сло́во родила́ еси́, Дéво, и естество́ от тли изба́вила еси́: тэмже безсловéсных мя и чрезестéственных страстéй свободи́.

**Слава:** Пáжители страстéй плотских ны́не окружа́ют мя и оскорбля́ют лю́те: посети́ ско́ро раба́ Твоего́, Дéво, и от озлобля́ющих мя спаси́.

**И ныне:** Иже всю тварь содержа́й и нося́й и спаса́яй, на ру́ку Твое́й, Чiстая, опи́сан яви́ся и челове́ческий род обнови́.

## Песнь 3

*Ирмос:* Ты еси́ утверждéние притека́ющих к Тебе́, Гóсподи: Ты еси́ свет омрачéнных, и поёт Тя дух мой.

Успи́ смущéние лю́таго недугá, обдержáщаго мя ны́не, Пречiстая Влады́чице, и прегрешéний и страстéй свободи́.

---

<sup>1</sup> Ср.: Песнь песней 3: 7.

Неизреченна пучина щедрот Твоих, Пречистая, имиже и мене избави прегрешений и недугов.

Слава: Ускорй и посети, Пречистая, недугующаго мя, и тяжкия болѣзни избави, и всякия скорби.

И ныне: Возвеличи милость и заступление, Пречистая, Твоих молитв на мене: и избави мя от напастей и скорбей.

#### Песнь 4

*Ирмос:* Услышах, Господи, смотрения Твоего таинство, разумех дела Твоя и прославих Твое Божество.

Очистилице всегда моему сердцу покажи, Пречистая, святых воспоминание, и прегрешений очищение.

Спасение подаждь ми душевное и телесное, Пренепорочная, и болящему даждь цельбу и лютых избавление.

Слава: Коварствия упраздни лукавых бесов, Пречистая, и страстей востания, и немощным нам силу подаждь.

И ныне: От ложесн Твоих, Пречистая, правды Солнце возсия и мир просвети: Егоже Божественными зарями и мене просвети.

#### Песнь 5

*Ирмос:* Вскую мя отринул еси от лица Твоего, Свете Незаходимый, и покрыла мя есть чуждая тьма, окаяннаго? Но обрати мя и к свету заповедей Твоих пути моя направи, молюся.

Разрешися Твоим Рождеством узы смертныя, и связася тли держава, Пресвятая Дево Всепетая. Темже разреши вскоре и моих прегрешений пленицы и тяжкия печали.

Лукавствия бесов и злобы человеческия избави, Владычице: и душевный недуг и телесный скоро уврачуй, рождающая Единая всякия плоти и духов Врача, Спаса и Господа.

Слава: Яко клеща Божественнаго Угля, Пречистая, молю Тя, попали всякую страстную похоть раба Твоего и неможения лютая, неудобь стерпимая, и изсуши потоки печалей.

И ныне: Спасение Тя всем подал есть Сын Твой, Всечистая Владычице, веровавшим в Него и Бога проповедающим воплощенна от Тебе яве: темже мя спаси от различных бед и скорбей.

#### Песнь 6

*Ирмос:* Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Призри на мя милостивным Твоим оком, Владычице, и от недугов лютых избави вскоре, и всякаго озлобления чаемаго ныне, и сетей, и падения.

Безумнаго нрава страстнаго, и зависти неподобных, и всякия злобы, и озлобления житейскаго избави мя, Пречистая Владычице, Твоими мольбами.

Слава: Создавший нас в Тебе, Дево, создася, естество человеческое от тли избавляя: и мене убо избави, Чистая, от одержавших мя искушений Твоими молитвами.

И ныне: Храм показалася еси Бога невместимаго пречист, Ты, Пречистая Владычице: храм и мене покажи Того благодати, Твоими молитвами, и соблюди невредима.

*Таже:* Господи помилуй, трижды. Слава, и ныне

## Седален, глас 8:

Яко Дѣву и Едину в женах Тя, без сѣмене рождшую Бѳга плѳтию, вси блажим рѳди челоуѳчестии: Огнь бо вселися в Тя Божества, и яко Младенца доиши Зиждителя и Господа. Темже, ангельский и челоуѳческий род, достойно славим Пресвятѳе Рождество Твое и согласно вопием Ти: моли Христа Бѳга согрешений оставление даровати воспевающим достойно славу Твою.

### Песнь 7

*Ирмос:* От Иудѳи дошедше ѳтроцы в Вавилѳне иногда верою Трѳическою пламень пѳщный попраша, поюще: ѳтцев Бѳже, благословен еси.

Тяжкия болѳзны въздаяния обретох, и многим недѳгом одержимъ болѳу: но молю Тя, Богородице: помози ми и подаждь здравие вскорѳе Твоими молитвами.

Блаженная Дѳво, прибежище скорбящих всех верных, от всякаго искушения и печали и злѳбы завидящих мне изми, и от грех и различных недѳг избави.

Слава: Златокѳванная Стамно, из Неяже истечѳ миро животворное верным, отыми души моя и тѳла недѳг, и прегрешений скверну, заступленми Твоими, Чистая Богородительнице.

И ныне: Рожденнаго неизреченно из Тебѳ, Богомати, собезначальнаго Слова Отцу и Дѳху славяще непрестанно, во хвалении поем: ѳтец наших Бѳже, благословен еси.

### Песнь 8

*Ирмос:* Седмерицею пѳщ халдѳйский мучитель Богочестивым неистовно разжжѳ, силою же лучшѳе спасены сия видев, Творцу и Избавителю вопияше: ѳтроцы, благословите, священницы, воспойте, людие, превозносите во вся вѳки.

Величествия различных чудѳс Твоих, Владычице, вси проповѳдуем, верно притекающи к Твоему заступлению: но ныне мя от недѳга люта и болѳзней душевных же и телѳсных премени, и покажи здрава обоюду, славити Сына Твоего Христа во вѳки.

Напрасно възвѳяша завидящих ветри, и; злолютых рѳки припрошася зело храмине моеѳ умней, Дѳво Чистая: но якоже безумно волнующагося моря, разорѳ стремление печальных всех: даждь и мне Твоими молитвами тишину во вся вѳки.

Слава: Создавѳый брѳнное тѳло челоуѳка, Таже дѳшу ему вложивѳй безсмертну, в Тебѳ зиждется, Дѳво, Сый, и обновляет паки того: Егѳже мне благоувѳтлива и благопрѳменна покажи Твоими молитвами, и силу подаждь всем скорбящим, и избавление вскорѳе.

И ныне: Светом озарѳеши всегда, Пречистая, славящих Тя: из Твоеѳ бо утробы возсия Свет Невечерний: и от страха ношнаго и темнаго и бесѳвскаго лаяния избавляеши Твоя рабы: от нихже изми и мене, и спаси от одержащих зол Твоими молитвами.

### Песнь 9

*Ирмос:* Воистинну Богородицу Тя исповѳдуем, спасенни Тобою, Дѳво Чистая, с безплѳтными лики Тя величающе.

Вознеси рог Церкве, Пречистая, верным на поганья подаждь крепость и царствия скиптры утверди.

Низложи вознесенныя и победи полки иноплѳменных, хотящия браней, Дѳво Чистая, и Твоя рабы невредны от сих свободи, Отроковице.

Слава: Едина побѳрнице христианом православным, Тебѳ славающим, молитвами Твоими агаряны оруженѳсныя вскорѳе посрами.



И ныне: Вразуми́, Де́во, ве́рных ли́ки, на враги́ невидимыя и видимыя укрепьши, и спаси́ от всякия скорби.

## ВО ВТОРНИК Канон молебный Пресвятей Богородице

### Песнь 1

*Ирмос:* Воду прошэд, яко сүшу, и египетскаго зла избежав, Израильтянин вопиаше: Избавителю и Богу нашему поим.

*Припев:* Пресвятая Богородице, спаси нас.

Многими содержимь напастьми, к Тебе прибегаю, спасения иский, о Мати Слова и Дево! От тяжких и лютых мя спаси.

Страстей мя смущают прилози, многаго уныния исполните мою душу: умири, Отроковице, тишиною Сына и Бога Твоего, Всенепорочная.

Слава: Спаса рождшую Тя и Бога, молю, Дево, избавити ми ся лютых: к Тебе бо ныне прибегаю, простираю и душу и помышление.

И ныне: Недугующа телом и душею, посещения Божественнаго и промысления от Тебе сподоби, Еди́на Богомати, яко Благая, Благаго же Родительнице.

### Песнь 3

*Ирмос:* Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, Еди́не Человеколюбче.

Предстательство и покров жизни моея полагаю Тя, Богородительнице Дево, Ты мя окорми ко пристанищу Твоему, благих виновна, верных утверждение, Еди́на Всепетая.

Молю, Дево, душевное смущение и печали моея бурю разорити: Ты бо, Богоневестная, Начальника тишины Христа родила еси, Еди́на Пречистая.

Слава: Благодетеля рождши, добрых виновнаго, благодения богатство всем источи: вся бо можеша, яко сильного в крепости Христа рождши, Богоблаженная.

И ныне: Лютыми недуги и болезненными страстьми истязаему, Дево, Ты ми помози, исцелений бо неоскудное Тя знаю сокровище, Пренепорочная, неизживаемое.

### Песнь 4

*Ирмос:* Услышах, Господи, смотрения Твоего таинство: разумех дела Твоя и прославих Твое Божество.

Страстей моих смущение, кормчию рождшая Господа, и бурю утиши моих прегрешений, Богоневестная.

Милосердия Твоего бездну призывающую подаждь ми, Яже Благосердаго рождшая и Спаса всех поющих Тя.

Слава: Наслаждающися, Пречистая, Твоих дарований, благодарственное воспеваем пение, ведуще Тя Богоматерь.

И ныне: На одре болезни моея и немощи низлежащу ми, яко благолюбива помози, Богородице, Еди́на Приснодево.

### Песнь 5

*Ирмос:* Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Исполни, Чистая, веселия сердце мое, Твою нетленную даючи радость, веселия

ро́ждшая Виновнаго.

Избáви нас от бед, Богородице Чистая, вѣчное ро́ждши Избавлѣние и Мир, всяк ум преимúщий.

Слава: Разреши́ мглу прегрешѣний мо́их, Богоневѣсто, просвещѣнием Твоея́ свѣтлости, Свет ро́ждшая Божѣственный и превѣчный.

И ныне: Исцели́, Чистая, души́ моя́ немощѣние, посещѣния Твоего́ сподобльшая, и здравіе моли́твами Твоими́ пода́ждь ми.

## Песнь 6

*Ирмос:* Моли́тву пролию́ ко Го́споду и Тому́ возвещу́ печали́ моя́, яко́ зол душа́ моя́ исполнися, и живóт мой áду прибли́жися, и молю́ся яко́ Иона́: от тли, Бóже, возведи́ мя.

Смер́ти и тли́ яко́ спасл естъ, Сам Ся изда́в смер́ти, тлѣнием и смер́тию моѣ естество́ я́то бѣвшее: Дѣво, моли́ Го́спода и Сы́на Твоего́ враговъ злодѣйствія мя избáвити.

Предстáтельница Ты Животá вем и хранительницу́ твёрду, Дѣво, и напáстей реша́щу молвы́ и нало́ги бесовъ отгоня́ющу: и молю́ся всегда́ от тли́ страсте́й мо́их избáвити мя.

Слава: Яко́ стѣну прибѣжища́ стяжа́хом, и душъ всесовершенство́е спасѣние, и пространство́ в скорбѣх, Отрокови́це, и просвещѣнием Твои́м при́сно радуемъ. О, Влады́чице, и ны́не нас от страсте́й и бед спаси́.

И ныне: На одре́ ны́не немощству́яй лежу́, и несть исцелѣния плóти моѣй: но Бóга и Спа́са ми́ру, и Избáвителя неду́гов ро́ждшая, Тебѣ молю́ся, Благо́й: от тли́ недúт возста́ви мя.

Тоже: Го́споди помилуй, *трижды*. Слава, и ныне

## Седален, глас 8:

Агнца́ и Па́стыря, и Спа́са ми́ра на Крестѣ́ зря́щи, Ро́ждшая Ты глаго́лаше слезя́щи: мир úбо радуется, приѣмля́ избавлѣние: утроба́ же Моя́ горитъ, зря́щи Твое́ распя́тие, е́же за всех терпи́ши, Сы́не и Бóже Мой.

## Песнь 7

*Ирмос:* От Иудѣи дошѣдше́ отроцы́ в Вавилóне иногдá вѣрою́ Трои́ческою́ пла́мень пѣщный́ попра́ша, пою́ще: отцѣв́ Бóже, благословѣн еси́.

Нáше спасѣние́ яко́же восхотѣ́л еси́, Спа́се, устроити́, во утробу́ Дѣвья́ всели́лся еси́, Ю́же ми́ру Предстáтельница́ показáл еси́: отѣцъ́ нáших Бóже, благословѣн еси́.

Воли́теля мило́сти, Егóже родила́ еси́, Мáти Чистая́, умоли́ избáвитися от прегрешѣ́ний и душе́вныхъ сквернъ́ вѣрою́ зову́щим: отѣцъ́ нáших Бóже, благословѣн еси́.

Слава: Сокрóвище спасѣ́ния и исто́чник нетлѣ́ния, Ты ро́ждшую, и столпъ́ утверждѣ́ния, и дверь́ покая́ния зову́щим показáл еси́: отѣцъ́ нáших Бóже, благословѣн еси́.

И ны́не: Телѣ́сныя сла́бости и душе́вныя недúги, Богороди́тельнице, любóвию присту́пающихъ́ к кро́ву Твоему́, Дѣво, исцелити́ сподóби, Спа́са Христа́ нам ро́ждшая.

## Песнь 8

*Ирмос:* Царя́ Небѣснаго, Егóже пою́т вои́ а́нгельстии, хвалите́ и превозносите́ во вся вѣ́ки.

Пóмощи я́же от Тебѣ́ трѣбу́ющія́ не прѣзри, Дѣво, пою́щія́ и превозно́сѣщія́ Ты во вѣ́ки.

Неможѣние душі моея исцеляеши и телѣсныя болѣзни, Дѣво, да Тя прославлю, Чистая, во вѣки.

Слава: Исцелѣний богатство изливаеши вѣрно поющим Тя, Дѣво, и превозносящим неизреченное Твое Рождество.

И ныне: Напастей Ты прилоги отгоняеши и страстей находы, Дѣво: темже Тя поем во вся вѣки.

## Песнь 9

*Ирмос:* Воистинну Богородицу Тя исповедуем, спасенни Тобою, Дѣво Чистая, с безплотными лики Тя величающе.

Тока слез моих не отвратися, Яже от всякаго лица всяку слезу отъемшаго, Дѣво, Христа рождающая.

Радости мое сердце исполни, Дѣво: Яже радости приемшая исполнение, греховную печаль потребляющи.

Слава: Света Твоего зарями просвети Дѣво, мрак неведения отгоняющи, благоверно Богородицу Тя исповедающих.

И ныне: На месте озлобления немощи смирившегося, Дѣво, исцели, из нездравия во здравие претворяющи.

## В СРЕДУ

### Канон молебный Пресвятей Богородице

## Песнь 1

*Ирмос:* Колесницегонителя фараона погрузи, чудотвори иногда моисейский жезл, крестообразно поразив и разделив море, Израиля же беглеца пешеходца спасе, песнь Богу воспевающая.

*Припев:* Пресвятая Богородице, спаси нас.

Слово Божие родила еси воплощено, Еже прежде безплотное, паче естества, Всенепорочная Богородице Дѣво, Богомужно в мире пожившее: темже Тя вси славим, сущее по Богу заступление наше.

Испещрена различием шара<sup>1</sup> Богоблагодатная, Отчее Слово, плоть бывшее за милосердие неизреченное, паче ума и Слова, Благословенная, родила еси, пребывши Дева нескверная.

Слава: От корене, Чистая, царска прозябла еси, Царя Христа, Божие Слово, паче ума и смысла, воплощенна родила еси от чистых кровей Твоих, сугуба Естеством показуема и Единственна во Ипостаси.

И ныне: Иже Богородицу Тя проповедует, Пречистая, на всякия ереси победение носит: плоть убо Бывшаго неизменно породила еси, Богородительнице, вышша всякия твари, Слово Божие Присносущное.

## Песнь 3

*Ирмос:* Утверждей в начале небеса разумом и землю на водах основавый, на камени мя, Христе, заповедей Твоих утверди, яко несть Свят, паче Тебе, Единое Человеколюбче.

Во Твою Святую утробу Бог вселися, и воплотися якоже весть, Богомати, и спасе нас живоносными страстьми: тем Тя спасения дверь славим.

На земли воплощся и поживе с человеки, Иже душу всем человеком вдохнувый, от утробы Твоея прошед без семени, Пребожественный: темже Тя вернии вси песнями, Чистая, уболажаем.

<sup>1</sup> Украшенная различной красотой.

Слава: От Отца прежде век рождённа во утробе Твоей зачёнши, Дёво неискусобрачно, и родила еси нам вкупе Бóга и Человека, во обою Естеству совершённа и нераздельна.

И ныне: Жезл прозябший цвет нетлénия Христа, и златую кадильницу вси Тя знаем, Чистая, Божественное существо носящую на руку уголь, Дёво Богоблажённая.

#### Песнь 4

*Ирмос:* Ты моя крепость, Господи, Ты моя и сила, Ты мой Бог, Ты моё радование, не оставь недра Отца и нашу нищету посетив. Тем с пророком Аввакумом зову Ти: силе Твоей слава, Человеколюбе.

Кивот издалеча прообрази приёмший закон Богописанный, во утробе Живоначальное Слово зачатое несказанно, Пренепорочная, питающее богато души поющих: силе Твоей слава, Человеколюбе.

Ты истинная спасения вина, Богомати, Еди́на была еси, Творцу и Зиждителю, от Твоих Пречистых кровей плоть взаим давши: Еюже смертныя сокрушишася двэри, и жизнь человеком даровася.

Слава: Да образ погребённый страстьми възыщеси богатством благодости, в Девыя вселился еси утробу, из неяже Ты, Премудрость Божия, Храм создал еси: имже пожив с человеки, Щедре, и спасл еси мира концы.

И ныне: По Бóзе Тя Предстательницу стяжахом, Пренепорочная: Ты бо Божия Мати была еси Творца и Зиждителя, и наш зрак приёмшаго, и сий спаса от тли и бед и славою Божественною прославльша.

#### Песнь 5

*Ирмос:* Вскую мя отринул еси от лица Твоего, Свете Незаходимый, и покрыла мя есть чуждая тьма, окаяннаго? Но обрати мя и к свету заповедей Твоих пути моя направи, молюся.

Яко Бóга зачёншую, Пречистая, Зиждителя, Содетеля же и Господа, родове Тя всех человек блажат и безплотных умнии чиновачальницы яко Матерь Тя Бóга славят.

Воинства Вышних Сил, Пречистая, блажат Тя: Тобою бо токмо, иже на земли с Небесными совокупльшеся, поём Рождество Твое.

Слава: Несказанным, Дёво, образом, Слово вселися в Тя и человек бысть, Иже прежде век от Отца возсиявый, и человеки от тли избавляя, к жизни нетленней возводя Един Благосердый.

И ныне: Украсилася еси, Пречистая Дёво, девства добротами, и первая Евы отпустила еси злообразное, Христа рождши, одежду безсмертия дарующаго Тебе поющим.

#### Песнь 6

*Ирмос:* Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Бóже спасения моего.

Иже вседержавною силою носяй всяческая, в неможение плотское от Тебе облечёся, Дёво Всенепорочная, во благоденствие человек, яко Человеколюбец.

Найде на Тя вседетельный Дух, Всенепорочная, и Слово Божие в Тя вселися, и плоть бысть несказанно, пребыв неизменен.

Слава: Просвети души православно поющих Тя: речения пророк Твое провозвестиша Пречистое зачатие и паче слова, Богоневестная, Рождество.

И ныне: Селение Божие, Божественное воистинну и Пречестное, поём благочестно Марию Пречистую: Бóга бо вмести, восприёмши Невместимаго и

Непостижимаго.

*Таже: Гóсподи помíлуй, трижды. Слава, и ныне*

### Седален, глас 8:

**Яко Всенепорóчная Невéсто Творцú, я́ко неискусомúжная Мáти Избáвителя, я́ко приятелище сúщи Утéшителя, Всепéтая: беззакóнию мя сúща сквэрно жилище, и бесóm игралище в рáзуме бýвша, потщíся и сих злодéйствия мя избáвити, свéтло жилище добродéтельми содéлавши, светодáтельная и нетлénная: разжени́ о́блак страстéй и вы́шняго причáстия сподóби и Свéта невечérняго молíтвами Тво́ими.**

### Песнь 7

*Ирмос: Бóжия снизхождéния огонь устыдéся в Вавилóне иногда, сегó рáди óтроцы в печи рáдованною ного́ю, я́ко во цвётнице ликúюще, по́яху: благословén есí, Бóже отéц нáших.*

**Пречíстая Влады́чице, зачénшая Избáвителя всех, несказáннаго и Божéственного сподóби мя избавлénия, велегласно вопиúщего и пою́ща: благословén Бог отéц нáших.**

**Нýне вся испóлнишася Свéта Божéственного Тобóю, Пречíстая: Ты бо дверь яв́илася есí, ё́уже мíрови Бог бесéдова, просвещáя véрою зовúщия: благословén Бог отéц нáших.**

**Слава: Се нýне испóлнися Дави́да божéственного Божéственное проречéние: мо́лятся во́истинну Твоемú лицу́, Богородíтельнице Чíстая, стяжавшии богáтство благодáти, нýне благословя́ще Бóга отéц нáших.**

**И ныне: Зачалá есí Пречíстая, над все́ми Бóга и Гóспода, благоволи́вшаго спасти́ челове́ческий род от смéрти и тли, Егóже достóйно пою́ще, зовём: благословén Бог отéц нáших.**

### Песнь 8

*Ирмос: Победíтели мучíтеля и пла́мене благодáтию Твое́ю бýвше, за́поведem Тво́им зело́ прилежа́ще, óтроцы вопи́яху: благословíte, вся дела́ Господ́ня, Гóспода.*

**Благословénная Пречíстая, душí моея́ язвы и грехóвныя стру́пы очисти, Бóга рóждшая Иже над все́ми, Отрокови́це Чíстая, от девíческаго неискусобра́чныя утробы́: Егóже, дéти, благословíte, и превозносите во вéки.**

**Свéта Незаходíмаго была́ есí приятелище, Всечíстая, дéвства добрóтами сия́ющи: и всех озари́ла есí, Богородíцу Тя íстинную исповéдающих от душí и вопиúщих: дéти, благословíte, священницы, воспóйте и превозносите Его́ во вéки.**

**Слава: Освящíшися Дúхом Святы́м, Богородíце Всенепорóчная, во́истинну при́яла есí во утробе́ Безначáльна Сы́на и Соприсносúщна Отцú, в Тебé, Чíстая, воплоща́ема, во благоде́яние véрою вопиúщим: дéти, благословíte, священницы, по́йте, и превозносите Его́ во вéки.**

**И ныне: Яко́ Бóга рóждши пáче слóва и смýсла, Сегó умоли́, Пречíстая Богомáти, бы́ти благоуветливу́ недостóйным нам всем, во стра́шноЕ Егó и ужáсное пришéствие, егда́ хóщет судíти челове́ческому естествú, нагíм стоя́щим всем, и со стра́хом судíмым.**

### Песнь 9

*Ирмос: Ужасéся о сем Не́бо, и земли́ удивíшася концы́, я́ко Бог яв́ися челове́ком плóтски, и чре́во Твое́ бысть пространнейшее небéс. Тем Тя Богородíцу áнгелов и человекó чиноначáлия велича́ют.*

**Отвёрженных вéчнаго пребывáния и пáдших ока́нно в смерть, пáки нас призвалá**

еси, Пречистая, Мати бывши Избавителя, и к прежнему тещи сподобила еси Отечеству: тем Тя, Богомати, непрестанно величаем.

Удобь, Богородице, подаждь ми преити жития волну напастей, и настояния страстей, яко Блага, укротящи и наставляющи к добродетели Небеснаго шествия: да яко благодетельницу непрестанно величаю Тя.

Слава: Чистая Преславная Мати Божия, поющия Тя любовью спаси от напастей, молву решающи милостивно, яко Бога убо рождши: вся, елико хочещи творити, твориши невозбранно и можещи, Дево. Темже Тя вси величаем.

И ныне: Побеждающую ереси юношския честную Церковь покажи, юже Христос Сын Твой, Обрадованная, Кровию честною Своею яко Благ стяжа и спасе от бед и от насилия одержащаго нас, Владычице.

## В ЧЕТВЕРТОК Канон Пресвятей Богородице

### Песнь 1

*Ирмос:* Поим Господеву, проведшему люди Своя сквозе Чермное море, яко Един славно прославися.

*Припев:* Пресвятая Богородице, спаси нас.

Милостива мне Христа содейлай, Дево Пренепорочная, в День при<sup>1</sup> страшнаго осуждения изымающи.

Одожди ми, Владычице, молюся, капли умиления, сущую ми скверну отмывающи, яко да славлю Тя.

Слава: Просвети мя Дево, Яже Свет незаходимый рождающая, моея лениности глубокую тьму отгоняющи.

И ныне: Спаси мя, Богородице, во многих гресех погибшаго, и муки всякия, и лютаго осуждения избави.

### Песнь 3

*Ирмос:* Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Едине Человеколюбче.

Священнаго жития отпад, Пречистая, приложихся скотом и осужден весь бых: но Ты, Яже Судию рождающая, от всякаго осуждения избави мя и спаси.

К Тебе прибегаю, Владычице, всегда множеством напастей обстоима ущедривши спаси мя, Яже спаса рождающая всяческих и Господа, Единая Препетая.

Слава: Непроходимая Двере, Яже к Богу приводящи, Отроковице, двери покаяния ми отверзи, молюся, очистивши грехов моих скверну, тучами милости Твоея, Богоблагодатная.

И ныне: Избави мя страстей наведения, Владычице, и борющихся враги моя ныне победи: утверди мя на камени Божиих хотений и душу мою просвети, Двере Божественнаго Света.

### Песнь 4

*Ирмос:* Услышах, Господи, смотрения Твоего таинство: разумех дела Твоя и прославих Твое Божество.

Души моея язвы исцели, Богоблагодатная Дево: ум мой просвети, Чистая, омраченный страстными находы.

Унынием спящаго и грехом покровеннаго, к покаянию мя, Пречистая, призови,

---

<sup>1</sup> В День Суда.

яко Мати Слова.

**Слава:** Неискусобрачная Владычице, Яже воплощенное Слово рождающая, душу мою просвети и от геенны избави и мучения.

**И ныне:** На Тя надежду мою возложих всю, Мати Дево: душу мою соблюди, Яже Бога рождаши Спаса моего.

## Песнь 5

*Ирмос:* Вскую мя отринул еси от лица Твоего, Свете Незаходимый, и покрыла мя есть чуждая тьма окаяннаго? Но обрати мя и к свету заповедей Твоих пути моя направи, молюся.

Души моея страсти всенеисцельныя, Отроковице, исцели, и угасший ленистиею светильник мой возжзи, и к покаяния путем настави, Дево, да верую и любовью Тя славлю.

Себе осуждаю прежде испытания, Богорадованная, студная дела ношу един осужденный: но предстани ми, яко предстательница сущи всем, и лютаго осуждения избави мя.

**Слава:** Избавляющи мя от пленения, и одержажия душеленныя молвы, и страстей лютых, умерщвляющих мя, не престай, Пресвятая Отроковице, грешником заступнице, человеком готовая Помощнице.

**И ныне:** Умерщвлена мя всего жалом смертным от преступления, оживи, Пречистая, Яже Жизнь зачешая миру Избавителя и Царя, и к свету настави мя.

## Песнь 6

*Ирмос:* Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Умерщвлена мя многими преступленьми, Пречистая Дево, оживи, Яже Жизнь человеком неизреченно рождающая, Богородице, и творити ми волю Господню настави.

Тя предстательницу и стену вернии вси стяжахом, иже во глубине зол, и молв, и печалей потопляемии присно, Богородице, Единая верным прибежище.

**Слава:** Увядившая сады безбожия, Пренепорочная, Твоим Святым прозябением, растущую во мне присно вражду злобу потреби, Пречистая.

**И ныне:** Освети мой ум и просвети сердце мое, Святая Мати Божия, и одержажих мя зол измени: да Тя славлю твердую заступницу мою.

*Таже:* Господи помилуй, *трижды.* Слава, и ныне

## Седален, глас 8:

О чудесе новаго! О страшнаго таинства! Взываше Агница, Сына зрящи на Древе крестнем простерта: что Се Слове Божий безсмертный? Како мертв зришися и землю колеблещи, яко Всесилен? Но воспевая Твое страшное и Божественное схождение.

## Песнь 7

*Ирмос:* Отроцы еврейстии в пещи попраша пламень дерзновенно и на росу огонь предложаша, вопиюще: благословен еси, Господи Боже, во веки.

Милостива буди ми, Дево, и уранена м оружием греха, пластырем исцели Твоея молитвы: и огня негасимаго исхити мя во веки.

Избави мя, Мати Спасова, одержажаго лютаго пленения, помышлений лукавых и одержаний прегрешения, яко да присно спасаемь, по долгу Тя славлю.

**Слава:** И ныне к Тебе прибегаю, Богомати, прегрешений пленицами стягнут: за

милосердие милости разреши мя, Дево, и от бесов избави мучения и злобы.

И ныне: Ущедри и спаси мя, Дево, Яже Щедраго рождши Божия Слова: и светом, иже в Тебе, озари душу мою, и от бесов избави мя лютаго коварства.

## Песнь 8

*Ирмос:* Седмерицею пещь халдейский мучитель Богочестивым неистовно разжже, силою же лучшею спасены сия виде, Творцу и Избавителю вопияше: отроцы, благословите, священницы, воспойте, людие, превозносите во вся веки.

Иже по всему совершен и естеством неприступен, явися прикосновен мне, плотию обложен из Тебе, Неискусобрачная: Егоже прилежно моли беззаконий моих бремя облегчите и суда будущего избавити мя.

Яже Судию и Господа рождши паче слова, Сего яко Сына Твоего, Пресвятая, умоли: в Час Суда осуждения, и огня, и тьмы несветимыя, и скрежета зубнаго избавити мя, верую благочестно поющаго Тя всегда.

Слава: Богородительнице Пречистая, души моя язвы и греховный соблазны очисти, источником отмываючи, иже из ребр Рождества Твоего, и иже от них потекшими струями: к Тебе бо взываю, и к Тебе прибегаю, и Тебе молю Богоблагодатную.

И ныне: Умерщвленную душу мою угрызением змииным, Единая яже Жизнь рождающая, Пренепорочная, оживи: и нас ради, Дево, Рожденнаго, действовать поспеши хотения, вопиюще: отроцы, благословите, священницы, воспойте, людие, превозносите Его во веки.

## Песнь 9

*Ирмос:* Ужасеся о сем Небо, и земли удивилася концы, яко Бог явися человеком плотски, и чрево Твое бысть пространнейшее небес. Тем Тя Богородицу ангелов и человек чиновачалия величают.

Просвети, Двере Света, ослепленную душу мою страстьми, и лукавыми помыслы очерневшую, и бедствующую: и избави мя напастей, и от бесов озлобления и истязания лютаго, и будущего пламене и муки.

Пощади мя, Спасе, рождейся от Девы и сохранивый Рождшую Тя нетленну и по Рождестве: егда сядеши судити делом моим, беззакония и грехи моя презри, яко безгрешен, и яко Бог милостив и Человеколюбец.

Слава: Носящи Небесный Огонь руками, яко клещами, Богоблагодатная, души моя страсти попали, Чистая, и страшнаго осуждения и огня и томления лютаго бесовскаго свободи мя.

И ныне: Осиянием Твоим мысленным просвети наша помышления, и сердца и разумы, Отроковице Богоблагодатная, яко да стезями животными праве ходяще, милость получим, возвещающе присно хвалы Твоя.

## В ПЯТОК

### Канон Пресвятей Богородице

## Песнь 1

*Ирмос:* Поим Господеви, проведшему люди Своя сквозе Чермное море, яко Един славно прославился.

*Припев:* Пресвятая Богородице, спаси нас.

Умертви плоти моея мудрование, Пречистая Дево, Яже жизнь рождающая, и муки всякия избави мя.

Зарю пресветлою от Тебе, Дево, возсиявшаго, души моя зеницы просвети: яко



да славлю Тя.

**Слава:** Молися Владычице, Еди́на Свята́я Богородице, яко да улчу́ в день суда́ спасэ́ние и Божественную свѣтлость.

**И ныне:** Пречистая Богородице, утиши́ болѣзни сѣрдца моего́, Яже Христа́ неболезненно па́че ума́ и Слова́ рождшая.

### Песнь 3

*Ирмос:* Ты еси́ утверждéние притека́ющих к Тебѣ, Гóсподи: Ты еси́ свет омрачѣнных, и поёт Тя дух мой.

Избáви мя моли́твами Твои́ми, Пречистая, вражи́их стрел: и от помышлѣний находя́щих пощади́ сѣрдце моѐ.

Исцели́ Пренепоро́чная, души́ моея́ раны́, Ма́ти Бóжия, утиши́ Твои́ми моли́твами сѣрдечное смущéние.

**Слава:** Укроти́ неустáвное помышлѣний мо́их, Чистая Влады́чице, и отыми́ от души́ вся́ку печáль, Яже Рáдость рождшая.

**И ныне:** Рáдуйся, спасэ́ние притека́ющих к Тебѣ, Дѣво Ма́ти Христо́ва: рáдуйся, апóстолов и мучеников Похвалó.

### Песнь 4

*Ирмос:* Услы́шах, Гóсподи, смотре́ния Твоего́ та́инство: разуме́х дела́ Твоя́ и просла́вих Твоѐ Божество́.

Души́ моея́ я́звы, Сло́ве Бóжий, исцели́, уязви́выйся мене́ рáди, яко́ Человеколю́бец, и ума́ моего́ тьму просвети́.

Дремáнием лѣности моея́ сон грехо́вный пости́же, Дѣво: бо́дренною Твоею́ моли́твою воздвигни́ мя к пока́нию.

**Слава:** Яже от исто́чник источи́вшая во́ду оставлѣния, Пренепоро́чная, сѣрдце моѐ напо́й, изсо́хшее вся́кими преступлѣньми.

**И ныне:** Пресвята́я Богоневѣсто, Влады́чице ми́ра, Ты мя спаси́, бед пременя́ющи и страсте́й молву отгоня́ющи.

### Песнь 5

*Ирмос:* Утренююще вопи́ем Ти, Гóсподи, спаси́ ны: Ты бо еси́ Бог наш, разве́ бо Тебѣ ино́го не ве́мы.

При́зри, Пречистая, и услы́ши глас мой, и вся очисти́ беззакóния моя́, Влады́чице.

Сóлнце незаходи́мое рождшая, Богородице, всего́ мя просвети́, омрачѣннаго страстьми́: да славлю́ Тя и хвалю́, Пренепоро́чная.

**Слава:** Ущэдри, Пресвята́я Отрокови́це, ду́шу мою́ и избáви суда́, и вѣчнующаго мучéния.

**И ныне:** Неду́говавшую ду́шу мою́ исцели́, рождшая всех Взéмлющаго недуги́, Пресвята́я Влады́чице.

### Песнь 6

*Ирмос:* Бѣздна грехо́в и прегрешѣний бѹря мя смущáет, и во глубинѹ́ нѹждаго реет мя отча́яния: но Твою́ крѣпкую́ рѹ́ку мне простри́, яко́ Петро́ви, о Упрáвителю, и спаси́.

Умертви́, Богородице, плóти моея́ безчи́нная двизáния, Яже умерщвлѣнная злóбою́ оживи́вшая, Твои́м живы́м Рождество́м: яко́ да славлю́ Тя, яко́ винѹ́ человѣческаго обновлѣния.

Бѣзду щедро́т рождши, Богородице Дѣво, ско́рбных жити́я ду́шу мою́ спаси́, и рáдости духо́вныя двѣри отвѣрзи ми: на Тя бо Еди́ну наде́жду возложи́х.

**Слава:** Да Твоя́ рáдостно воспою́ вели́чия, Дѣво Пречистая, и вели́кую благода́ть

чудес, безместная помышления, томящая мя всегда, молитвами Твоими прмени.

И ныне: Родила еси паче естества недр Отческих неразлучнаго и Тобою, Дево, к человеку беседовавша: но яко похвала нас всех и утверждение еси, Богородице, к Тебе прибегающия ущедри.

*Таже: Господи помилуй, трижды. Слава, и ныне*

## Седален, глас 8:

Слово Отчее на землю сниде, и ангел светел Богородице глаголаше: радуйся, Благословенная, Яже чертог Едина сохраняющая, зачатие приемши Превечнаго Бога и Господа, да от прелести яко Бог спасет род человеческий.

## Песнь 7

*Ирмос: Отроцы еврейстии в пещи попраша пламень дерзновенно и на росу огонь положиша, вопиюще: благословен еси, Господи Боже, во веки.*

Увы мне, како избегну мук, ждущих мя, зле пожив зде? Како Судий Страшному явлюся окаянный? Богородительнице Владычице, помощница тогда буди ми.

Угаси пламень страстей моих и утиши бурю сердца моего, Богомати Чистая: и избави мя, Пречистая, бесов томления и огня вечнаго.

Слава: Виждь скорбь мою, Дево, юже наведе множество зол моих: и прежде отшествия покой ми подаждь, Матерними Твоими молитвами умоляющи Сына Твоего.

И ныне: Пламень страстей сердца моего погаси росю Твоею Дево, и огня страшнаго исхити, Отроковице, и вечнаго суда и бесовскаго томления.

## Песнь 8

*Ирмос: Благословите, отроцы, Троицы равночисленни, Содетеля Отца Бога, пойте снизшедшее Слово, и огонь в росу претворшее, и превозносите всем жизнь подавающаго, Духа Всесвятаго во веки.*

Умертви, Дево, вся телесная наша двизания, Яже мертва змия живоносным Рождеством Твоим соделавши: и жизнь нестаряющую улучити нам помолися, яко да Тя поем во веки.

Тя Богородительнице, на помощь всегда призываю, не посрами мене стяжавшаго студу дела: но ущедри мя, Пречистая, и пламене исхити, и вечных избави мучений.

Слава: Обрадованная помощница ми явися во обстоянии зол, избавляющи от находящих ми бесовских навет, яко да ублажаю Тя всегда, Богородице, Предстательнице всех.

И ныне: Пресвятая Отроковице, апостолов похвало, мучеников славо, славы вечныя причастника мя сотвори, взывающа: благословите Духа Пресвятаго во веки вся.

## Песнь 9

*Ирмос: Уставы прешла еси естества, Содетеля зачещи и Господа, и дверь спасения миру была еси: тем Тя, Богородице, непрестанно величаем.*

Светом Твоим невечерним, Двере Света, души моя тьму отжени лютую, и покаяния ми пути светозарныя покажи: яко да шествуя в них, мрака отбегну греховнаго и непрестанно величаю Тя.

Очисти рабы Твоя, Блаже, и прегрешений прощение даруй: и вечнующаго пламене избави нас, и причастники соделай Твоего Царствия, Слове Божий: ибо за еже хотя спасти род человек, Крест претерпел еси.

Слава: Удóбь, Богорóдице, прейтí ми жити́я пода́ждь прехождéние, и напáстей востáния и страстéй, я́ко Благá, укротя́щи, и наставля́ющи к добродéтели Небéснаго Цáрствия и покóя Божéственна: я́ко да спаса́емь прославля́ю Тя.

И ны́не: Неду́говавшую ду́шу мою́ стра́стию лю́тою, Я́же рóждши Бóга Преблагáго, я́ко мíлостива исцели́, и избáви прísно оскорбля́ющих мя, Пречíстая, и прибывáющих злолю́тых: я́ко да спаса́емь, Тя усéрдно велича́ю, возвели́чившую род наш.